

詩傳名物集覽

二



詩傳名物集覽

二

陳大章 著

中華書局

詩傳名物集覽卷四

獸

乘乘黃

朱傳。乘黃。四馬皆黃也。魯頌駟傳。黃驂曰黃。陸農師。黃亦馬之上色。列子。牝而黃。牡而驪。馬至果天下之馬也。明堂位。周人黃馬蕃鬣。言吉事乘此。詩四黃既駕是也。至于戎事則乘驪。埤雅。駟頌首章曰。有驪有黃。有駟曰乘黃矣。然後乃言乘牡。卒言青驪之駟。則黃牝驪剛柔之質具矣。瑞應圖。騰黃者神馬也。其色黃。一名吉光。漢禮樂志。舜時景星出房地。出乘黃之馬。白氏乘黃。犬戎吉黃。似騏而有兩角。漢郊祀歌有營黃注。一名乘黃。黃帝乘之而僊。封禪書。一名翠黃。孟康曰。乘黃也。又名紫黃。淮南子。飛黃服阜。注。乘飛黃也。又六韜以此爲雞斯之乘。大傳作吉光。亦作古皇。

乘乘鵠

朱傳。驪白雜毛曰鵠。今所謂烏驄也。爾雅。驪白雜毛鵠。疏。毛色黑白。而腹有白毛相錯者。今謂之烏驄。埤雅。鵠蓋取諸鵠。今鵠其色驪白。六尺以上爲馬。黃純色。鵠雜色。古者大夫乘駒。乘馬則僭諸侯之禮矣。亂生于衣服車馬之間。太叔乘乘馬。而沃之。大夫素衣朱襮。此晉鄭之所以亂也。正字通。鵠與鵠古通。或謂馬烏異族。鵠當从馬。不知古人命名。止取其色之相似。猶周禮八尺曰龍。爾雅二目白魚。必欲易鵠爲鵠。

則凡古稱良馬如翔麟、紫燕、駁龍、紫鹿、黃鵠、晨鳧、鐵獺、綠蛇之類。載在傳記。可一一竄正之乎。

羔裘豹飾

朱傳。飾。緣袖也。禮。君用純物。臣下之。故羔裘而以豹皮爲飾也。豹甚武而有力。故服其所飾之裘者如之。易。君子豹變。其文蔚也。爾雅。獬白豹。注。似熊小頭。庫脚黑白駁。能舐食銅鐵及竹骨。骨節強直。中實少髓。皮辟溼。瑞應圖。幽都卽谷山上多玄豹。陸疏。毛赤而文黑。謂之赤豹。毛白而文黑。謂之白豹。周禮。射以皮飾侯。瑱語云。范獻子獵。遺其豹冠。或曰。豹別色者名獬。本草圖經。今黔蜀中時有獬。象鼻犀目。牛尾虎足。土人鼎釜多爲所食。其齒以刀斧錐鍛。鐵皆碎落。火亦不能燒。人得之。詐爲佛牙。佛骨。以誑俚俗。衍義云。豹毛赤黃。其文黑如錢而中空。比比相次。此獸敏捷過虎。故能安五藏。補絕傷輕身。此各有種。非能變爲虎也。埤雅。豹花如錢。黑而小于虎文。易。君子豹變。小人革面。古今注。豹尾車。周制也。所以象君子豹變。尾言謙也。詩言豹舄。下大夫也。豹裘。上大夫也。禮。玉藻。狐青裘。豹裘。玄綃衣以裼之。羔裘豹飾。緇衣以裼之。則豹飾明非裘矣。毛傳。飾。謂緣以豹皮。則緣蓋領。人君之服也。管子。上大夫豹飾。下大夫豹幘。此齊一時之數。非古也。古云。虎豹之駒。未成文。已有食牛之氣。及長。退毛。然後踈朗煥散。蓋亦養而成之。語曰。豹死留皮。人死留名。惡名不稱也。廣志。狐死首丘。豹死首山。言不忘本也。豹一名程。列子。程生馬。古詩曰。餓狼食不足。飢豹食有餘。言狼貪豹廉。有所程度而食。其字从勺。豹之勺。猶虎之擬也。字說。虎豹狸皆能勺物而取焉。淮南子。蝟使虎申蛇。令豹止物。各有所制也。博物志。豹死守窟。文子。虎豹之文來射。雅翼。豹似虎。

而圈文有赤有玄有白。山海經泰山多赤豹。幽都之山有玄虎玄豹。王會云屠州有黑豹白豹。別名猊。今出建寧郡。毛黑白。臆似熊而小。能食蛇。以舌舐鏡。可頓進數十觔。溺能消鐵爲水。舊云猊螭爲兵可切玉。蜀都賦載食鐵之獸。卽此。古者軍正建豹尾車以令軍。漢大駕屬車八十一乘。作三行。尙書御史乘之。最後一乘懸豹尾。豹尾以前皆爲省中。楊子狸變則豹。豹變則虎。帝王世紀散宜生獻黑豹。楚辭乘赤豹兮從文狸。列女傳陶答子妻云南山有玄豹。霧雨七日不下食者何也。欲以澤其皮毛而成其文章。故藏以遠害。管子武王命貂棼豹裘。方得入廟。故豹曰千金。洞冥記青豹出浪坂之山。狀如虎。色如翠。又白面毛赤黃黑如錢圈。中五圈。左右方四。曰金錢。宜爲裘。如艾葉者。次之色不赤。毛無文者曰土豹。又豹胎至美。爲八珍之一。劉子曰飛鼯甘煙走獾美鐵所居隔絕嗜好不同。未足怪也。通雅云山海經豹尾郭注之樂反卽豹尾也。又辰陽山多犀兕虎豹牝牛。按豺亦作豺。可知豹卽豹也。

竝驅從兩狼兮

朱傳獸三歲曰肩。釋文亦作豸。孔疏獻豸于公則肩是大獸。故毛傳言三歲。詩緝亦作豸。鄭司農周禮注一歲爲豸。二歲爲豸。三歲爲特。四歲爲肩。五歲爲慎。毛七月傳豕一歲曰豸。三歲曰豸。疏箋云豕生三月縱。旣易傳不以豸爲一歲之名。則豸亦非三歲之稱。釋獸釋鹿與麕皆云絕有力。驛箋意蓋以驛爲鹿麕有力者。又說文豸三歲豕肩相及者。引詩作竝驅從兩豸兮。集韻或作獬獬。竝驅從兩狼兮。

朱傳。狼似犬。銳頭白頰。高前廣後。爾雅。狼牡羴牝狼。其子獬。絕有力迅。邢疏。此辨狼之種類也。舍人曰。狼牡名羴。牝名狼。子名獬。孫炎曰。迅疾也。陸疏。其鳴能小能大。善爲小兒嘯聲以誘人。去數十步。其猛健者。雖善用兵者。不能免也。其膏可煎和皮可爲裘。故禮記云。小切狼臠膏。與稻爲醢。注以狼胃臠。肪和米作糜也。又曰。君之右虎裘。厥左狼裘。明以威武衛上也。周禮。獸人冬獻狼。注時之味也。毛詩。草蟲經。老狼項下有袋。求食滿腹。向前行乃觸之。退後又自踏踐。上靈其尾。進退有患。故詩以況跋前疐後。博雅。羴狼也。酉陽雜俎。狼大如狗。蒼色。作聲諸竅皆沸。今訓狐鳴亦後竅應之。狼脰筋大如鴨卵。或言狼筋如織絡。駢脅腸直。其糞煙直上。烽火用之。雖風吹之不斜。主物論。狼鳴。凡器物皆應之。內則食狼去腸。瑞應圖。白狼王者仁德明哲。則見一云。王者進退動準法度。則見。埤雅。里語。狼卜食。將遠逐食。必先倒立以下所向。今獵師遇狼輒喜。蓋狼之所在。獸之所在也。故古之造式者。木用槐。瘿棗瘤。而以狼牙爲柱。取其靈智也。虎善擬前。狼善顧後。雖跋胡疐尾。而能不失其猛。此詩之所以譬周公也。狼性貪暴。爭食以養口體。而常害其身。故孟子以爲狼疾人也。雅翼。狼貪猛之獸。聚物不整。故稱狼藉。又稱粒米狼戾。楚語云。令尹問蓄聚。實如餓豺。狼然是也。周禮。王及五等諸侯之出。皆有挾鞭趨避者。號條狼氏。條滌也。謂滌除道上狼扈者。狼好積聚也。或言狼筋如織絡。小囊蟲所作也。盜不可辨者。焚狼筋以示之。則爲盜者。慄慄無所容。或曰。狼筋者。茵類。非此獸之筋也。或作狼狽。是兩物。狼前足絕短。每行常駕于狼腿。上失狼則不能動。故世言事乖者。稱狼狽。釋文。狼藉草而臥。去則穢亂。爲狼藉。淮南子。鴟視而狼顧。賈誼曰。失時而雨。民且狼顧。鳥

雄犖于雌。獸牝猛于牡。是以熊爲熊之牝。而熊猛于熊。狼爲獾之牝。而狼名獨著。虎猛者稱乳虎。蓋其類也。左傳。狼子野心。管子。舉龍章則水行。舉虎章則林行。舉鳥章則陂行。舉蛇章則澤行。舉鵠章則陸行。舉狼章則山行。白澤圖曰。百歲狼化爲美女。誘人名曰知狀。久則必食人。以其名呼之。卽逃去。

盧令令

朱傳。盧。田犬也。令令。犬領下環聲。毛傳。盧。田犬。孔疏。犬有田犬。守犬。戰國策。韓國盧。天下之駿犬也。字林作獹。

四驪濟濟

朱傳。驪。馬黑色也。駟傳。純黑曰驪。月令。孟冬駕鐵驪。檀弓。夏后氏尙黑。戎事乘驪。說文。驪。馬深黑色。爾雅。小領盜驪。注。領頸也。穆王八駿有盜驪。盜驪淺驪也。謂竊青色。爾雅疏。竊卽古淺字。

有縣貆兮

朱傳。貉類。爾雅。貆子貆。疏。貆似狐。其子名貆。說文。貉類。詩義。問貉。子曰。貆貆形。狀與貉異。名物解。貆貉之小而善止者也。故易獲。然必待狩獵而後得之。故詩曰。不狩不獵。胡瞻爾庭有縣貆兮。有縣持兮。

朱傳。獸三歲曰特。先鄭周禮注云。三歲爲特。爾雅。豕生三豃。二師一特。又一牲曰特。書舜典。歸格藝祖用特。毛傳。獸三歲曰特。先鄭云。當有所出。考爾雅有豕生一特之文。名物疏。此特應謂豕耳。上下章貆鵠皆

專指一物。不應此章乃汎言獸。竊謂宜從爾雅字通。凡牡皆謂之特。陽數奇。故牡稱特。說文專指牛父。泥六書。故凡專獨皆稱特。特獨蓋同聲。與犗通。

碩鼠碩鼠

朱傳。碩大也。爾雅。鼯鼠。孫炎云。五伎鼠。郭璞云。形大如鼠。頭似兔。尾有毛。青黃色。好在田中食粟豆。關西呼爲鼯鼠。見廣雅。說文。鼯。五伎鼠也。能飛不能上屋。能緣不能窮木。能游不能度谷。能穴不能掩身。能走不能先人。蔡邕以爲此螻蛄。鼯音瞿。今本作鼯。誤也。荀子。梧鼠五伎而窮。詩義疏。碩鼠。樊光謂卽爾雅鼯鼠也。邢昺云。鼯鼠。今之河東有大鼠。能人立。交前兩腳于頸上。跳舞善鳴。食人禾苗。人逐則走入樹空中。亦有五伎。或謂之雀鼠。其形大。故序云大鼠也。魏國今河北縣是也。言其方物。宜是此鼠。非鼯鼠。本草又謂螻蛄爲石鼠。亦五伎。古今注。土名蠱鳥。物異名同。非兩也。文子。聖人師拱鼠制禮。錄異記。拱鼠形大如常鼠。行田野中。見人卽拱手而立。人近欲捕之。卽跳躍走去。秦川有之。雅翼。詩稱相鼠。卽河東大鼠也。埤雅。鼯鼠害稼者。一名雀鼠。卽河東大鼠。韓退之所謂禮鼠拱而立者也。爾雅翼。釋鼯鼠云。鼯狀如小狐。翼大率如服翼。翅尾項脇毛紫赤色。背色蒼艾。腹下黃。喙頰雜白。腳短爪長。尾三尺許。好暗夜行。飛且乳。亦謂之飛生。聲如人呼食煙火。能從高赴下。不能從下上高。東吳諸郡皆有之。卽梧鼠。荀子所謂五伎者。一名由夷。一名鼯。又名飛鼯。又名鼯鼠。雖同有五伎。恐非鼯鼠之類。古今注。螻蛄一名碩鼠。亦有五伎。序云。貪而畏人。若大鼠。故以之斥君。解頤新語曰。蠶之食桑。無時而厭。食盡而後已。喻重斂者。莫切于此。鼠之

食物。且食且驚。四顧不寧。喻貪畏者。莫切于此。名物疏。陸云。碩鼠非鼫鼠。而邢昺謂陸所說與爾雅注同。今觀兩家之說。未見其同也。碩鼠能交前兩足于頤。故或以爲拱鼠。孫炎以相鼠有皮爲相州所出之碩鼠。而錄異記云。拱鼠出秦。陸璣疏。碩鼠亦不名拱鼠。古今注。說螻蛄一名碩鼠。然螻蛄不食黍麥。食黍麥者。自是鼠屬耳。朱傳但以爲大鼠。郊特牲云。迎貓爲其食田鼠也。大戴禮云。田鼠者。鼯鼠也。然則碩鼠得非鼯鼠之大者乎。通雅云。鼯鼠爲飛生。鼫鼠爲拱鼠。飛生卽蝙蝠之大者。說文誤以鼫鼠爲五技。諸家因之。遂混爲一物。

有馬白顙

朱傳。白顙。顙有白毛。今謂之的顙。爾雅。的顙。白顙。舍人曰。的。白也。顙。額也。顙有白毛。今之戴星馬。周易。震爲的顙。疏。白顙爲的顙。取動而見。埤雅。覲禮。奉束帛匹馬。卓上。九馬隨之。說者以爲卓卽的顙。故以爲上列。而九馬隨其後。莊子。齊之以月題。蓋月題。額上當顙如月者。所以象顙之白。然則馬之貴的顙可知矣。易震二陰在上。故爲的顙。夫文入二爲白。白陰色也。二陰數也。馬政論。顙有白毛。謂之的顙。又曰。準上有旋毛及白毛者。謂之的吻。俗云。的顙非也。王氏曰。白顙。蓋名馬。驂騑。盜驪。赤兔。的顙之類。蜀志。昭烈乘的盧渡檀溪。相馬經。白顙入口者。榆鴈曰。的盧。準上有旋毛曰。的吻。皆不宜乘。

駟職孔阜

朱傳。駟職。四馬皆黑色如鐵也。王肅曰。古者一轅駕三馬。則五轡。夏后氏兩駕。謂之麗。殷益一駟。謂之駟。

周又益一謂之駟。駟者一乘四馬謂之駟也。孔傳。駢驪。說文。駢馬赤黑色也。月令。孟冬駕駢驪。注。色如鐵。埤雅。說文曰。馬深黑色。驪馬赤黑色。駢先儒云。取其馬色如鐵。非特有取于色。蓋亦取其堅壯如鐵。故曰鐵也。駢驪孔阜。六轡在手。以美襄公田獵之事。蓋馬之族不一。駢馬則喜前。駢馬則喜後。故古之御者。駢馬以鞭爲主。駢馬以轡爲主。駢性堅。駢疑于難御。而有繁手之勞。今其六轡在手。則是無事于轡。詩取以美之也。

奉時辰牡

朱傳。牡獸之牡者。辰牡者。冬獻狼。夏獻麋。春秋獻鹿豕之類。奉之者。虞人翼以待射也。孔疏。獸之供食。各有時節。故曰時牡。周禮。獸人掌罝田獸。辨其名物。冬獻狼。夏獻麋。春秋獻獸物。地官山虞云。若大田獵。則萊山田之野。及弊田。植虞旗于中。以致禽。蓋田是虞人所掌。獸人獻時節之獸。以供膳。虞人亦應驅時節之獸。以待射。虞人無奉獸之文。故引此以明之耳。

四馬旣閑

鄭箋。四種之馬。周禮。校人辨六馬之屬。種馬。戎馬。齊馬。道馬。田馬。駑馬。天子十有二閑。馬六種。邦國六閑。馬四種。注。諸侯有齊馬。道馬。田馬。其駑馬則分爲三。以隆殺差之。諸侯無戎馬。種馬也。此詩言獵事。而及四種之馬。蓋田獵所以教戰。故四種之馬。皆須調習也。埤雅。天子之馬。盛則駕六。常則駕四。詩曰。四黃旣駕。兩驂不猗。此駕六之證也。穆王命八駿之乘。右服驂騮而左騄耳。右驂赤驥而左白灋。次車之乘。右服

渠黃而左踰輪。左驂盜驪而右山子。此駕四之證也。載獫狫驕。

朱傳。獫狫驕皆田犬名。長喙曰獫狫。短喙曰猓驕。以車載犬。蓋以休其足力也。西京賦。屬車之簠。載獫狫驕。韓愈畫記。有騎擁田犬者。此類。說文。獫狫長喙犬。一曰黑犬黃頤。鄭箋。載始也。謂其達搏噬始成之也。孔疏。搏者殺獸之名。左傳。國狗之齧。無不噬也。名物解。犬以牙爲威。長喙則所制者衆。故謂之獫狫。雖喙短亦足以揚。故謂之猓驕。一曰黑犬黃頤曰獫狫。唐李賀詩。練香薰宋鵲。注。宋鵲田犬名。犬而以香薰之。豪奢之習。亦車載之類也。

駕我騏驎

朱傳。騏驎文也。毛傳。青黑曰騏驎。蒼艾色。駟傳。蒼騏曰騏驎。疏。騏者黑色之名。倉騏曰騏。謂青而微黑。今之驄馬也。說文。馬青驪。文如博基。埤雅。詩曰。騏驎是中。驄驪是驂。蓋騏驎中駟。驄驪上駟。故服以騏驎。驂以驄驪。淮南子曰。驂欲馳。服欲步。宣王之詩。北伐舉四驄。南征舉四騏者。言方是時。馬政愈修。其所以執駒網馬。教驂攻特。減僕講馭夫之汰滋廣。故雖騏亦閑習任用。不獨四驄矣。孫卿子。驂騏驎。纖離。綠耳。天下之良馬也。

騏驎。朱傳。馬左足白曰騏。爾雅。膝上皆白惟騏。又云。後右足白驪。左白騏。埤雅。易曰。震爲騏驎。蓋取其躁。以躁故二絆其足。作足言縱之而動也。騏足言制之而動也。詩曰。駕我騏驎。王肅謂駕兩馬者。古者庶人駕一士駕二。大夫駕三。諸侯駕四。天子駕六。說文。騏驎二馬也。尙書大傳曰。命于其君。然後得乘騏驎。驂駕

三馬也。駟駕四馬也。驂以言大夫。駟以言諸侯。馬政論云。後足偏白者凶。若驂之類是也。此士之所以駕與。

駟驂是中

朱傳。赤馬黑鬣曰駟。中。兩服馬也。孔疏。爾雅有駟白駮。駟馬白腹駮。則駟是色名。說者皆以駟是赤色。若身鬣俱赤。則爲駢馬矣。故傳以爲赤身黑鬣也。車駕四馬。在內兩馬謂之服。在外兩馬謂之駢。左傳。鄭有公子駢字子駟。是有駢乃成駟也。箋云。赤身黑鬣曰駟。雅翼。古者駟非所貴。故淮南子。旁光不升俎。駟駮不入牲。字林。駟赤馬黑鬣尾也。明堂月令。五時駕馬。而駟處其二。春蒼龍。秋白駮。冬鐵驪。夏赤駟。中央黃駟。中央寓于季夏。故所用物同。而以色之淺深爲別也。漢郊祀志。牲用駟駒。師古曰。駟赤馬黑鬣尾也。駟驪是驂。

朱傳。黃馬黑喙曰駟。爾雅。黑喙駟。注。今之淺黃色者爲駟馬。說文。駟黃馬黑喙。宋書。明帝以駟字旁似禍。改作駟。史稱文帝駟馬脊有肉鞍。行則先作弄四足。

賤駟孔羣

朱傳。賤駟四馬皆以淺薄之金爲甲。欲其輕而易于馬之旋習也。孔疏。金甲堅剛。則苦其不和。物不和則不得羣。鄭箋。賤。淺也。謂之薄金爲介之札。韓詩。駟馬不著甲曰賤駟。

一之日于貉

朱傳。貉。狐狸也。于貉。猶言于相。謂往取狐狸也。字林。貉似狐。善睡。其子名貍。又云。貉類。貉謂之狻。郭璞云。貉雌者名狸。今江東呼貉爲狻。狻類。山云。貉似狸。銳頭。尖鼻。斑色。毛深。溫滑。可爲裘。墨客揮犀云。貉狀似兔。性嗜紙。見則食之。淮南子。螳知爲埤。獾貉爲曲穴。虎豹有茂草。陰以防雨。景以蔽日。此亦鳥獸之智也。考工記。貉踰汶而死。此地氣然也。詩義。問狐之類。貉。貓狸也。南方異物志曰。貉不踰汶。鸛鵲不踰濟。狐不渡江。而南。橘不越江。而北。區宇之內。咫尺不同。況分以華夷。限以山海。魁詭倏恠。可勝言哉。故周官以土宜之法。辨十有二土。以蕃鳥獸。毓草木也。字說。貉爲居服。賤者之裘。曰于貉。非必得之辭。曰取。則得之矣。蓋志在于取狐狸。緩于賤而要于貴。埤雅。俗云。獾貉同穴。而異處。獾之出入。以貉爲導。詩曰。一之日于貉。取彼狐狸。爲公子裘。言往祭表貉。因取狐狸之皮爲裘。故傳云。于貉謂取狐狸皮也。周官祭表貉是也。雅翼。貉善睡之獸。畜而養之。扣之卽臥。已而復寐。亦善捕。疏云。禮無貉裘。惟孔子狐貉以居。明貉賤也。取彼狐狸。

爾雅。狸子隸。字林。狸伏獸。似羆。本草圖經云。狸類甚多。似虎斑文者可用。貓斑者不佳。南方有一種香狸。人以作餽。其氣甚香。邕州已南。又有風狸。似兔而短。多棲息高木。衍義。狸骨形似貓。其文有二。一如連錢。一如虎文。肉味與狐不相遠。江南一種牛尾狸。其尾如牛。善緣樹食百果。人多糟食。埤雅。狸豕在里者。里人所居也。狸穴而藎焉。故狸又通于藎字。狸之伺物。卑身而伏。以候敖者。似羆而小。文彩異于貓狸。大射以狸步張三侯。鄭氏云。狸善搏者也。行則止而擬度。其發必獲。是以侯道取象焉。狐善疑。貉善擬。不可以

有爲。故古者以爲燕居之裘。又射義。諸侯以狸首爲節。狸首者。樂會時也。節者。歌詩以爲發矢之節。一終爲一節也。左傳。定九年。齊大夫東郭書衣狸製是也。狸。狐。獬。貉。性一也。其跡皆夙而不速。袁狎曰。河冰上有狸跡。便堪渡。崔劼以爲狸當作狐。不知聽冰非狐獨然也。內饗曰。烏鰼色而沙鳴。狸。馬。黑脊而般臂。螻。狸。言其氣臭如狸也。內則作鬱。蓋物宜露而反鬱。則臭矣。螻。言其氣臭如螻也。內則作漏。蓋物宜覆而反漏。則臭矣。今狸脊間有黑理一道如界。或曰。字从理省。以此與鯉之制字同義。雅翼。狐口銳而尾大。狸口方而身文。黃黑彬彬。蓋次于豹。禮。狸首之斑然。又狸去正脊。狐去首。爲其不利于人也。太玄經。辨人狸別其文萃也。魏志。管輅云。雖有爪牙。微而不彊。雖有文章。蔚而不明。其名曰狸。淮南子。狸頭似鼠。以類推也。異物志。靈狸一體。自爲夫婦。故能媚人。段成式言。香狸有。四。外腎文如豹。卽楚辭文狸。王逸注爲神狸者。子思曰。謂狐爲狸者。非直不知狐也。勿得狐復失狸者也。徐廣封禪書注。狸一名不來。本草。狸骨肉療諸蛙。心腹痛。走無常處。及鼠瘻惡瘡。頭骨尤良。字書。狸有數種。大小如狐。毛雜黃黑。有斑如貓。善竊物。臭不可食。斑如貓。虎。方口銳頭者爲虎狸。食蟲鼠果實。又尾黑白。錢文相間者爲九節狸。善變幻。皮可爲裘領。宋史。安州貢野貓花貓。卽此二種也。廣雅。玉面狸。人捕畜之。鼠帖服不敢出。又登州一種狸。頭魚尾者。名海狸。俗作狸。山海經。桓山有獸如豚。有距。音如狗吠。名狸力。見則其縣有土功。狸與狸同。

皇駁其馬

朱傳。黃白曰皇。爾雅。黃白騂。孔疏。馬有黃處有白處者曰騂。字書。詩借用皇。本作騂。

朱傳駟白曰駟。爾雅云駟白駟。注駟赤色也。邢昺曰謂馬有駟處有白處者曰駟。易說卦乾爲駟馬。禮斗威儀君乘火而王。南海輸駟馬。埤雅徐鉉曰疑象駟文。晉侯乘駟乳虎見之而伏。則象駟之文理。或然也。駟亦馬之上色。故古者國君乘之。文王曰昔者寡人夢見良人黑色而頤。乘駟馬而偏朱號。諸大夫蹇然曰此先君王也。詩曰皇駟其馬。昏禮攝盛故也。爾雅所謂駟如馬。倨牙食虎豹。詩所謂隅有六駟者。字从交。作字說曰駟類馬食虎而虎食馬。凡類己也。而能除害己者在所交也。則駟非此駟矣。函史曰古名馬有六駟。白身黑尾如駟。取獸中六駟武健之名耳。駟與駟通。

狼跋其胡載蹇其尾

朱傳跋躡也。胡頷下懸肉也。載則蹇。蹇踳也。老狼有胡。進而躡其胡。退而蹇其尾。孔疏跋前行曰躡。踳卻頓曰蹇。說文胡牛頷垂也。釋名胡互也。在咽下垂能斂互物。許東陽曰跋蹇皆顛倒之意。詩緝狼猛獸。雖善用兵者亦不能禦之。平時不至跋蹇。其老者雖項下垂胡。若在平地亦決不至此。所言跋胡蹇尾者謂其落機穽之時進退求脫不能耳。故以喻周公。

嘽嘽駟馬

朱傳白馬黑鬣曰駟。爾雅白馬黑鬣駟。疏鬣鬣也。說文白馬黑鬣尾。禮記夏后氏駟馬黑鬣。疏夏尙黑。故用黑鬣。埤雅爾雅曰白馬黑鬣駟。廣雅云白馬朱鬣駟。今呼黃馬尾鬣一道通黑。如界者爲駟。蓋馬無分于黃白。若今衣脊絡縫。故曰駟也。明堂位夏后氏駟馬黑鬣。此以別白馬朱鬣之駟也。月令孟秋駕白駟。

此以別黃馬黑驘之駱也。俗云駱馬喜耐勞苦。詩曰：「嘽嘽駱馬。」言駱性善勞。而今取息不平如此。則以甚勞故也。古者天子之卿純駟。故曰：「駕彼四駱。」又曰：「乘其四駱。」若諸侯之卿。則不能具純駟矣。轉注駱又音駕。同字。秦紀：非子爲周大駱。駱主車駕。故字可互用。亦猶句之與乘也。

我馬維駟

朱傳：陰白雜毛曰駟。爾雅：陰白雜毛駟。樊光曰：駟者目下白也。郭璞曰：陰淺黑。今之泥驄。或云目下白。或云白陰俱非也。邢昺曰：毛淺黑而白兼雜毛者名駟。埤雅：陰白雜毛。今之泥驄也。詩我馬維駒。維駒。維駟。先後與駟之序合。則駟不如駱。駱不如駟。

既有肥羜

朱傳：羜。未成羊也。爾雅：未成羊羜。郭云：俗呼五月羊爲羜。陸農師云：羜从宁。宁。佇也。宁其美成。而後足用。詩先言肥羜。而後言肥牡。明其禮有加而無已。羅氏云：說文稱五月生羔。似謂仲夏所生。按齊民要術：五月六月七月生者。兩熱相仍。惡中之甚。古稱肥羜以速諸父。不應用此。當是生及五月者耳。字通：羜。羜羊也。六畜釋者。味旨。自始生。形體雖微。卽已成羊。未可謂未成羊也。說文五月羔爲近羊。生五月爲羜。羔其別名也。

搏獸于敖

說文：獸。守備者也。飛曰禽。走曰獸。又在野曰獸。在家曰畜。國語：獸三爲羣。爾雅：四足而毛謂之獸。王制：豺

祭獸然後田獵。周禮庖人掌共六獸辨其名物。鄭司農云麋鹿熊麕野豕兔。玄謂六獸當有狼而熊不屬。又獸人掌罝田獸冬獻狼夏獻麋春秋獻獸物。又凡祭祀喪紀賓客共其死獸生獸完獸入于腊人皮毛筋骨入于王府獸醫掌療獸病療獸瘍服不氏掌養猛獸而教擾之穴氏掌攻蟄獸各以其物火之囿人掌囿遊之獸禁。淮南子毛犢生應龍應龍生建馬建馬生麒麟麒麟生庶獸凡毛者生于庶獸。

麋鹿麋麋

朱傳鹿牝曰麋麋麋衆多也。曲禮惟禽獸無禮故父子聚麋唐李敬業討武氏檄致吾君之聚麋毛傳麋麋衆多也說文作麋麋鹿羣口相聚也釋獸鹿牡麋牝麋鄭箋麋牡曰麋復麋言多也爾雅麋牡麋牝麋孔疏音義曰麋或作麋或作麋是麋牡曰麋也或作麋牡者誤孔傳麋麋爲衆多與韓奕同鄭以麋爲獸名爲異耳。

其祁孔有

朱傳祁大也毛傳祁大也鄭箋祁當作麋爾雅云麋牡麋牝麋其子麋其跡纏絕有力狄疏云麋總名也詩吉日云其麋孔有孔疏上所言皆獸名今傳但言其大甚有不言獸名不知大者何物且釋獸注引詩云其麋孔有故易傳而從爾雅也說文麋鹿屬也冬至解角運斗樞璣光星散爲麋獸人云夏獻麋醢人朝事之豆昌本麋麋菁菹麋麋左傳莊十七年多麋注云麋多則害五稼又麋興于前射麋麗龜又迹人來告曰逢澤有介麋焉又楚潘黨逐魏錡至滎澤見六麋錡射以獻黨乃不逐也月令仲夏鹿角解仲冬